

Lou talhur è lous quotate toupis 02 (Reclams 1977)

Dets ans que passèn ! Lous maynats qu'èren adare grans e eschucs e aganits. Soul lou darrè que s'ère demourat dous e poulit. Qu'abè 20 ans adare.

La may que-s mouri !... Lou pay que s'enbielhi... puch que-s crouchi...puch que coumpregou que s'anabe mouri ! Que decidè alabets de ha ù arranjamèn e ù testamen.

Que hé biéne l'omi de ley ! Dab eth que partajà ço qui abè e lou casàu, e la maysou, e lou linje e lous mubles, e las machines e las agulhas ! Tout qu'estè bèroy pesat, calculat e distribuât ! puch que hé hourni, au houns deu papè, aqueste « codicille » :

« J'ai mis dans le bahut de la cuisine quatre pots de confit. Ils ne sont ni de même taille, ni des mêmes animaux. A ma mort, je veux que l'armoire dont la clef sera entre les mains du notaire soit ouverte devant mes quatre fils assemblés. Chacun choisira son pot...en commençant par l'aîné. Telle sera ma suprême volonté ! »

E l'omi que-s mouri.

A pènes mourt que calou biste ana coélhe lou noutari e biste que calou àuri lou bahut...abans de barra lou cerculh ! Chens ue larme l'aynat que-s gahè ù gran toupias qui pèsabe au mench...dets kilos. Lou segoun au soû tour que-s prengou lou mey grand deus très darrès ! E atàu qu'en esté tabé tà-u tresàu. Ço qui hè que lou darrè nou poudou chàusi...puch qui, ta eth, nous demourabe qu'ù toupiot pas mey gran qu'ù boulot ! Qu'-u se prengou toutu en plouran coum qui-s prèn ù hère bèroy soubeni ?!